

AKAUN JUNIOR-i 3-DALAM-1 HONG LEONG [\(English Version\)](#)

Dikemaskini pada 11 Oktober 2022

Terma & Syarat (T&S)

Terma dan syarat ini harus dibaca secara keseluruhan dengan Terma dan Syarat Am Akaun Deposit dan Deposit Perbankan Islam, Terma dan Syarat bagi Akaun Semasa-i dan Akaun Simpanan-i Hong Leong (CASA-i), Terma dan Syarat bagi Hong Leong Deposit Tetap-i (HLFD-i), Terma dan syarat Kad Debit-i Hong Leong, Terma dan Syarat Kemudahan e-Penyata dan Invois e-Cukai, Terma dan Syarat Penggunaan HLB Connect dan mana-mana terma dan syarat lain yang berkaitan yang mungkin dikenakan oleh HLISB dari semasa ke semasa setelah diberi notis awal **dua puluh satu (21)** hari, serta peraturan dan undang-undang lain yang mengikat ke atas HLISB.

1.0 Takrif

“ATM”	Mesin Juruwang Automatik (i) yang dipasang oleh HLB/HLISB atau mana-mana ahli Rangkaian ATM Kongsi (SAN) dan/atau (ii) yang ditetapkan oleh HLB/HLISB atau VISA/Mastercard untuk kegunaan pemegang kad.
“CASA/CASA-i”	Akaun Semasa dan Simpanan HLB/Akaun Semasa dan Simpanan-i HLISB.
“CDM”	Mesin Deposit Tunai yang dipasang oleh HLB/HLISB untuk pelanggan membuat deposit dan transaksi pembayaran secara tunai.
“kanak-kanak”	Individu di bawah umur lapan belas (18) tahun, dan yang merupakan benefisiari kepada akaun JA-i 3-dalam-1.
“Pelanggan”	Pemegang akaun utama bagi JA-i 3-dalam-1, yang merupakan ibu bapa/penjaga sah kanak-kanak tersebut.
“Cawangan Domisil”	Cawangan HLB/HLISB di mana JA-i 3-dalam-1 dibuka dan diselenggara.
“HLB”	Hong Leong Bank termasuk cawangan-cawangannya dan pengganti hak milik dan pemegang serah haknya.
“HLB Connect”	Perkhidmatan Perbankan Internet yang disediakan oleh HLB/HLISB untuk membolehkan pelanggan melakukan transaksi perbankan dengan menggunakan komputer peribadi atau apa-apa peranti elektronik menerusi pelayar internet dengan Kod Keselamatan, dan termasuk perkhidmatan yang ditambah, diubah atau ditarik balik oleh HLB/HLISB pada bila-bila masa, dan dari semasa ke semasa.
“HLISB”	Hong Leong Islamic Bank termasuk cawangan-cawangannya dan pengganti hak milik dan pemegang serah haknya.
“IBG”	Pindahan Wang Interbank Giro.
“JA-i 3 dalam 1”	Akaun Junior 3-dalam-1 terdiri daripada tiga (3) akaun, iaitu Akaun Simpanan-i Junior, Deposit Tetap-i Junior dan Kad Junior Debit-i (yang dipautkan kepada Akaun Isian Semula).
“JSA-i”	Akaun Simpanan-i Junior adalah akaun simpanan-i yang dibuka untuk kanak-kanak sebagai benefisiarinya.
“JFD-i”	Deposit Bertempoh yang diletak oleh Pelanggan untuk menikmati kadar keuntungan tinggi khusus buat kanak-kanak tersebut.
“Akaun JFD-i”	Akaun Deposit Tetap-i Junior adalah akaun deposit tetap yang diletakkan untuk kanak-kanak sebagai benefisiarinya.
“JDC-i”	Kad Junior Debit-i, yang dikenali sebagai kad debit-i Isian Semula, dipautkan kepada Akaun Isian Semula dan dikeluarkan kepada Pelanggan untuk kemudahan kanak-kanak tersebut dengan persetujuan Pelanggan.
“bulan”	Bulan Kalendar.
“Bukan Cawangan Domisil”	Mana-mana cawangan selain Cawangan Domisil.
“Akaun Isian Semula”	Akaun maya yang dipautkan kepada JDC-i.

2.0 Gambaran Keseluruhan Akaun Junior 3-dalam-1

- (a) JA-i 3-dalam-1 ialah akaun "Dewasa bagi Anak" di mana ibu bapa/penjaga yang sah adalah pemegang akaun utama dan benefisiari akaun adalah anak tersebut. Hanya satu (1) benefisiari sahaja untuk setiap akaun JA-i 3-dalam-1.
- (b) Permohonan JA-i 3-dalam-1 mesti dibuat oleh Pelanggan.
- (c) Akaun JSA-i, JFD-i dan Akaun Isian Semula akan dibuka serentak ketika pembukaan JA-i 3-dalam-1. Pelanggan boleh mengekalkan Akaun JFD-i dan Akaun Isian Semula dengan baki sifar (0). Walau bagaimanapun, Pelanggan hendaklah memastikan baki minimum sebanyak Ringgit Malaysia Satu (RM1) di dalam akaun JSA-i sepanjang masa untuk mengelakkan akaun JSA-i ditutup.
- (d) Pengeluaran JDC-i adalah pilihan berdasarkan permintaan.
- (e) Penyata elektronik bulanan boleh didapati di laman HLB Connect.
- (f) Pelanggan mempunyai kuasa mutlak untuk mengendalikannya dan menutup JA-i 3-dalam-1.

3.0 Akaun-akaun dalam JA-i 3-dalam-1

3.1 Akaun Simpanan-i Junior

- (a) Deposit minimum untuk membuka JSA-i ialah **Ringgit Malaysia Satu (RM1)**.
- (b) Keuntungan JSA-i akan dikira dan diakru setiap hari berdasarkan baki harian dan akan dikreditkan ke dalam JSA-i pada hari terakhir setiap bulan.
- (c) Jika berlaku penutupan JA-i 3-dalam-1, keuntungan akan dikira secara pro-rata berdasarkan bilangan hari akaun itu kekal aktif bagi sesuatu bulan dan akan dikreditkan pada hari akaun itu ditutup.

3.2 Akaun Deposit Tetap-i Junior

- (a) Peletakan deposit minimum yang diperlukan bagi JFD-i ialah **Ringgit Malaysia Satu Ribu (RM1,000)**.
- (b) JFD-i hanya disediakan untuk tempoh 3, 6, 12, 24, 36, 48 dan 60 bulan ("**Tempoh**"). HLISB berhak mengubah Tempoh pada bila-bila masa dengan memberi notis awal **dua puluh satu (21)** hari.
- (c) Peletakan JFD-i hanya boleh dibuat Melalui Kaunter ("**OTC**") di mana-mana cawangan HLB/HLISB atau melalui Arahan Tetap ("**SI**") daripada JSA-i.
- (d) Berkuatkuasa mulai 12 Jun 2021 ("**Tarikh Berkuatkuasa**"), tiada lagi pengkreditan keuntungan secara interim setiap bulan ("**Peraturan Baharu**").

- Untuk semua JFD-i yang baharu, keuntungan akan dikreditkan ke dalam JSA-i hanya pada tarikh matang JFD-i tersebut.
- Untuk JFD-i yang dibuka sebelum Tarikh Berkuatkuasa, keuntungan yang diperolehi akan dikreditkan ke dalam JSA-i pada setiap bulan hingga akhir tempoh matang JFD-i tersebut. Sekiranya JFD-i diperbaharui, sama ada secara manual atau secara automatik pada tarikh matang, Peraturan Baharu akan terpakai.
(**Sekiranya JFD-i dikeluarkan sepenuhnya atau sebelum tempoh matang atau tempoh minimum seperti yang ditentukan oleh HLISB pada bila-bila masa dengan memberi notis awal **dua puluh satu (21)** hari, HLISB berhak untuk menolak atau mendebit Akaun JFD-i Pelanggan bagi semua keuntungan bulanan terakru termasuk tetapi tidak terhad kepada semua keuntungan yang telah dibayar ke atas sebahagian pengeluaran.)

Ilustrasi:

JFD-i yang diletakkan sebelum Tarikh Berkuatkuasa untuk tempoh 12 bulan dengan tarikh matang pada 30 Ogos 2021 akan menikmati pengkreditan keuntungan setiap bulan. Setelah matang, JFD-i tersebut akan diperbaharui selama 12 bulan lagi. Keuntungan diperolehi dari JFD-i yang diperbaharui ini hanya akan dibayar pada akhir tempoh 12 bulan iaitu pada 30 Ogos 2022.

- (e) Tiada resit akan dikeluarkan untuk peletakan yang dibuat untuk JFD-i. Semua transaksi dan aktiviti JFD-i akan dipaparkan dalam penyata elektronik bulanan JA-i 3-dalam-1.

- (f) Arahan Tetap bagi Peletakan JFD-i
- Pelanggan boleh membuat peletakan JFD-i daripada JSA-i melalui SI (terhad kepada sekali sebulan).
 - SI mestilah dibuat di Cawangan Domisil sahaja.
 - Pelanggan mestilah menyatakan tarikh peletakan dan Tempoh pilihan bagi peletakan JFD-i dengan peletakan minimum Ringgit Malaysia Satu Ribu (RM1,000) atau dalam gandaan Ringgit Malaysia Satu Ribu (RM1,000) sehingga maksimum Ringgit Malaysia Lima Ribu (RM5,000) sahaja sebulan.
 - Untuk membolehkan peletakan JFD-i melalui SI, baki minimum Ringgit Malaysia (RM1,000) mestilah dikekalkan dalam JSA-i selepas peletakan JFD-i tersebut dibuat. Jika tidak, SI tidak akan dilaksanakan.
 - Keuntungan bagi peletakan JFD-i melalui SI berdasarkan kadar semasa JFD-i bagi Tempoh berkenaan dan dipaparkan dalam penyata elektronik bulanan JA-i 3-dalam-1 .
- (g) Pengeluaran Sebahagian dan Pengeluaran Pramatang JFD-i
- Pengeluaran sebahagian JFD-i dibenarkan semasa dalam Tempoh dengan syarat baki di dalam akaun JFD-i sebelum pengeluaran sebahagian itu melebihi Ringgit Malaysia Tiga Ribu (RM3,000). Jika tidak, pengeluaran sebahagian tersebut akan dianggap pengeluaran pramatang bagi keseluruhan JFD-i.
 - Pengeluaran sebahagian JFD-i boleh dibuat di mana-mana cawangan, iaitu Cawangan Domisil atau Bukan Cawangan Domisil.
 - Pengeluaran sebahagian JFD-i adalah dibenarkan dengan pengeluaran minimum sebanyak Ringgit Malaysia Tiga Ribu (RM3,000) atau dalam gandaan Ringgit Malaysia Satu Ribu (RM1,000) atau apa-apa amaun lain yang akan ditentukan oleh HLISB pada bila-bila masa dengan memberi notis awal dua puluh satu (21) hari.
 - Baki jumlah peletakan JFD-i akan terus menikmati kadar JFD-i seperti yang ditetapkan.
 - Tiada keuntungan akan dibayar bagi amaun pengeluaran sebahagian dan pengeluaran pramatang JFD-i, tanpa mengambil kira bilangan bulan yang lengkap pada masa pengeluaran sebahagian/pramatang tersebut dibuat.

3.3 Kadar Kad Debit-i Junior (Isian Semula)

- (a) JDC-i dipautkan kepada Akaun Isian Semula.
- (b) Tiada keuntungan akan dibayar bagi baki yang terdapat di dalam Akaun Isian Semula.
- (c) **Bahagian Terma dan Syarat ini hendaklah dibaca bersama-sama dengan Terma dan Syarat Kad Debit-i Hong Leong** dengan pengecualian berikut:
- (i) "e-Akaun" tidak berkenaan;
 - (ii) "Pemegang Akaun Bersama" tidak berkenaan;
 - (iii) Transaksi JDC-i akan dipaparkan dalam penyata elektronik bulanan JA-i 3-dalam-1
 - (iv) Kod Keselamatan – Hanya ATM PIN akan diberi.

3.3.1 Akaun Tidak Aktif

- (a) Akaun Isian Semula akan menjadi tidak aktif secara automatik jika JSA-i menjadi tidak aktif.
- (b) JDC-i tidak lagi sah untuk digunakan apabila JSA-i dan Akaun Isian Semula menjadi tidak aktif.
- (c) Baki di dalam Akaun Isian Semula akan dipindahkan semula ke dalam JSA-i pada hari sebelum Akaun Isian Semula menjadi tidak aktif.
- (d) Pelanggan boleh mengaktifkan semula akaun-akaun tidak aktif itu dengan melakukan transaksi dalam JSA-i. Status pengaktifan semula Akaun Isian Semula hanya akan dikemaskini pada hari berikutnya setelah transaksi dan pengaktifan semula JSA-i berjaya dilakukan.

3.3.2 Isian Semula JDC-i

- (a) Pelanggan mestilah melakukan isian semula ke dalam Akaun Isian Semula sebelum JDC-i boleh diguna.
- (b) Dua (2) pilihan tambah nilai yang tersedia bagi JDC-i seperti berikut:

Isian Semula Auto	<p>Pelanggan mempunyai pilihan untuk melangani perkhidmatan isian semula automatik ("Isian Semula Auto") untuk menambah nilai tunai secara automatik ke dalam Akaun Isian Semula.</p> <p>Perkhidmatan Isian Semula Auto melalui OTC</p> <ul style="list-style-type: none">(i) Perkhidmatan Isian Semula Auto hanya tersedia daripada JSA-i kepada Akaun Isian Semula.(ii) Setelah JDC-i dikeluarkan, Ringgit Malaysia Lima Puluh (RM50) akan didebitkan daripada JSA-i dan diisi semula secara automatik ke dalam Akaun Isian Semula dengan syarat Pelanggan telah memilih perkhidmatan Isian Semula Auto.(iii) Isian Semula Auto akan dilaksanakan apabila baki dalam Akaun Isian Semula kurang daripada Ringgit Malaysia Lima Puluh (RM50).(iv) Amaun minimum Isian Semula Auto ialah Ringgit Malaysia Lima Puluh (RM50) dan dalam gandaan Ringgit Malaysia Lima Puluh (RM50) sehingga maksima Ringgit Malaysia Lima Ratus (RM500) sebulan.(v) Isian Semula Auto tertakluk kepada jadual tambah nilai harian pada 6:00 pagi, 1:00 tengah hari, dan 5:00 petang ("Jadual Isian Semula"). Sebarang Isian Semula Auto yang dilakukan selepas 5:00 petang akan dijadualkan untuk Isian Semula pada keesokan harinya.(vi) Hanya satu (1) Isian Semula Auto dibenarkan dalam sehari.(vii) Perkhidmatan Isian Semula Auto adalah percuma. <p>Perkhidmatan Isian Semula Auto melalui HLB Connect</p> <ul style="list-style-type: none">(i) Hanya terpakai kepada Pelanggan yang telah mendaftarkan anak mereka untuk Aplikasi HLB Pocket Connect.(ii) Log masuk ke https://s.hongleongconnect.my/ dan sediakan tambah nilai berulang dalam Portal Ibu Bapa HLB Pocket Connect untuk memindahkan daripada mana-mana CASA/CASA-i ke dalam Akaun Isian Semula.(iii) Perkhidmatan Isian Semula Auto melalui HLB Connect adalah percuma.
--------------------------	---

Isian Semula Manual	<p>Isian Semula Manual boleh dilakukan melalui OTC, CDM, ATM dan HLB Connect ke dalam Akaun Isian Semula.</p> <p>(i) OTC:</p> <ul style="list-style-type: none"> • Ringgit Malaysia Dua (RM2) akan dikenakan bagi setiap Isian Semula melalui OTC. Amaun ini akan dipotong daripada amaun isian semula (Contoh, untuk Isian Semula Manual sebanyak Ringgit Malaysia Lima Puluh (RM50), hanya Ringgit Malaysia Empat Puluh Lapan (RM48) akan dikreditkan ke dalam Akaun Isian Semula. <p>(ii) CDM:</p> <ul style="list-style-type: none"> • Masukkan JDC-i ke dalam CDM atau tekan nombor JDC-i enam belas (16) digit untuk isian semula. • Isian semula melalui CDM adalah percuma. <p>(iii) ATM:</p> <ul style="list-style-type: none"> • Masukkan Kad Debit/Kad Debit-i Pelanggan ke dalam ATM dan tekan nombor JDC-i enam belas (16) digit untuk isian semula. • Isian semula melalui ATM adalah percuma. <p>(iv) HLB Connect:</p> <ul style="list-style-type: none"> • Layari www.hongleongconnect.my dan pindahkan daripada mana-mana CASA/CASA-i ke dalam nombor JDC-i enam belas (16) digit. • Isian semula menerusi HLB Connect adalah percuma.
----------------------------	--

4.0 Transaksi dalam talian

- a) Sebarang pendaftaran untuk akses HLB Connect mesti dilakukan oleh Pelanggan.
- b) Pelanggan dibenarkan untuk mengurus niaga dengan JSA-i melalui HLB Connect. Untuk senarai penuh transaksi yang dibenarkan di HLB Connect, sila layari laman web kami www.hlb.com.my/app

5.0 Pematuhan Syariah

- (a) Kad JDC-i tidak boleh digunakan untuk sebarang aktiviti yang menyalahi undang-undang atau aktiviti/tujuan yang tidak mematuhi Syariah yang boleh mengakibatkan Bank menolak transaksi di terminal tempat jual (POS).
- (b) Kad JDC-i tidak boleh digunakan di mana-mana peniaga runcit yang menyediakan barang dan perkhidmatan yang tidak mematuhi Syariah dan/atau untuk apa-apa transaksi yang tidak mematuhi Syariah yang dikategorikan mengikut Kategori Peniaga seperti yang berikut:
 - (i) Bar, Ruang Istirehat Koktel, Disko, Kelab Malam dan Kedai Minuman Keras;
 - (ii) Pakej Bir, Wain dan Minuman Keras;
 - (iii) Kedai Cerut/Rokok;
 - (iv) Urusniaga Perjudian;
 - (v) Perjudian Perlumbaan Kuda, Perlumbaan Anjing dan kegiatan bukan sukan seperti Perjudian Dalam Talian/Internet di Antara Negeri;
 - (vi) Perkhidmatan Janji Temu dan Teman Sosial.

Nota: Senarai peniaga runcit dan aktiviti tidak mematuhi Syariah di atas akan dikemas kini dari semasa ke semasa dan apabila senarai tersebut diubah.

6.0 Pembatalan manfaat JA-i 3-dalam-1 apabila benefisiari mencapai umur lapan belas (18) tahun

- (a) Segala manfaat di bawah JA-i 3-dalam-1 akan terbatal pada bulan berikutnya setelah benefisiari mencapai umur lapan belas (18) tahun. JSA-i akan bertukar kepada Akaun Simpanan-i Multi-tier ("**Akaun Simpanan-i**") bersama secara automatik atas nama Pelanggan sebagai pemegang akaun utama dan benefisiari sebagai pemegang akaun kedua.
- (b) Nombor akaun JSA-i akan dikekalkan dan diguna pakai untuk Akaun Simpanan-i, yang tertakluk kepada **Terma dan Syarat Am Akaun Deposit dan Deposit Perbankan Islam**.
- (c) JFD-i sedia ada (jika ada) akan kekal mengikut kadar dan tempoh ditetapkan sehinggalah tarikh matang, pada ketika itu nanti: (i) JFD-i tidak akan diperbaharui; dan (ii) amaun pokok JFD-i serta keuntungannya akan dikreditkan ke dalam Akaun Simpanan-i.
- (d) Penyata elektronik suku tahunan JFD-i akan dikeluarkan pada bulan Mac, Jun, September, dan Disember untuk menggantikan Penyata elektronik JA-i 3-dalam-1 dan akan disediakan melalui HLB Connect.
- (e) Akaun Isian Semula akan ditutup secara automatik sebaik sahaja JSA-i bertukar menjadi Akaun Simpanan-i, dan baki yang masih ada akan dipindahkan ke dalam Akaun Simpanan-i. Benefisiari dikehendaki pergi ke mana-mana cawangan HLB/HLISB dengan membawa MyKad untuk tujuan menggantikan JDC-i dengan kad debit baharu yang dipautkan kepada Akaun Simpanan-i.
- (f) Pemberitahuan bertulis akan dikeluarkan oleh HLISB kepada Pelanggan pada masa yang sesuai tentang penukaran JSA-i kepada Akaun Simpanan-i.

7.0 Fi dan Caj bagi JA-i 3-dalam-1

- (a) Pengeluaran tunai OTC hanya boleh dibuat dengan mengisi borang ditetapkan dan menunjukkan dokumen-dokumen yang dikehendaki HLISB.
- (b) HLISB berhak mengubah kaedah atau cara pengeluaran tunai pada bila-bila masa dengan memberi notis awal **dua puluh satu (21)** hari .
- (c) Tiada yuran akan dikenakan bagi pengeluaran OTC.
- (d) Transaksi pengeluaran adalah termasuk tetapi tidak terhad kepada semua transaksi debit seperti pengeluaran tunai dan pindahan debit yang dilakukan secara OTC tetapi tidak termasuk SI dan penutupan akaun.

Untuk senarai penuh fi dan caj, sila layari laman web kami di www.hlisb.com.my/dci2. Atau imbas kod di bawah.



Akaun Hong Leong Junior-i 3-dalam-1 dilindungi oleh PIDM setakat RM250,000 bagi setiap pendeposit.

Jika anda mempunyai sebarang pertanyaan mengenai Terma & Syarat, anda boleh mendapatkan penjelasan daripada kakitangan kami yang membantu anda. Sebagai alternatif, sila e-mel kami di hlonline@hlbb.hongleong.com.my